

AD
 AUGUSTISSIMUM
 Magnæ Britanniae,
 FRANCIAE, HIBERNIAEQUE
 REGEM
 GUILIELMUM
 UNACUM
 MARIA AUG.
 CONSECRATUM

^{XI}
^{XXI} April. Æ. Vulg. CIOICLXXXIX.

ADLOCUTIO,

QUA

Pro Imperii Æternitate & Salute Regnorum

Vota nuncupat

FRIDERICUS SPANHEMIUS, F. F.

Acad. Ludg. Batavæ Professor Primarius.

LONDINI,

Typis S. R. & Impensis R. Clavell ad Insigne Pavonis in Cœme-
 terio D. Pauli, MDC LXXXIX.

THE UNIVERSITY OF CHICAGO

LIBRARY

OF THE

PHYSICAL SCIENCES

AND

ASTRONOMY

OF THE

UNIVERSITY OF CHICAGO

LIBRARY

OF THE

PHYSICAL SCIENCES

AND

ASTRONOMY

OF THE

UNIVERSITY OF CHICAGO

LIBRARY

GUILLIELME
R E X

PIE, CLEMENS,
MAGNANIME,
AUGUSTE BRITANNICE
SEMPER INVICTE,
VERE FIDEI DEFENSOR,
FOEDERATÆ BELGICÆ
SUPREME
GUBERNATOR,

REFORMATÆ ECCLESIAE
STATOR AC CONSERVATOR,
OPPRESSÆ EUROPÆ
LIBERATOR AC VINDEX,
RESTITUTOR
HUMANI GENERIS.

AD

GUILLEME

R E X

FIE, CLEMENS

AMAGNIME

AUGUSTE BRITANNICE

SEMPER INVICTE

VERE FIDEI DEFENSOR

FEDERATE BELGICE

SUPREME

GUBERNATOR

REFORMATE ECCLESIE

STATOR AC CONSERVATOR

OPRESSA EUROPA

LIBERATOR AC VINDEX

RESTITUTOR

HUMANI GENERIS

AD GUILIELMUM
AD
GUILIELMUM REGEM
UNA CUM
MARIA AUG.

AD LOCUTIO.



Onvertuntur hodiernâ luce in REGIAM
TUAM MAJESTATEM vota Orbis &
Urbis, & ad Consecrationis Tuae cele-
britatem, ac conregnantis MARIE,
ut ad sacra Oecumenica, accurrunt
universi, qui modò nec alterum Or-
bem incolunt, nec contabescenti Gloi-
riâ tuâ invidiæ deferviunt. Et auspi-
catissimo quidem illo Mense, cui ab
aperiendo nomen esse censuit Varro, aperturo verè Aureum
Seculum, ac Felicia Tempora; veriori omine quàm de vio-
lento Imperio atque infelicissimo Dominatu prædicatum
nuper est, pari adulatione quâ Diocletianus, quondam Per-
secutorum maximus, Parens Aurei seculi appellatus est. Hoc
solenni die Soteria quaquaversum offeruntur, solutis in com-
mune gaudium animis, non jam Æsculapio, sed DEO Opt. Max.
qui in unum diem conclusit res tantas tamque insperatas, Reli-
gionis, Libertatis, Legum, Juriumque & Regni & Regnantium,
in Britannias Tuas reditum, ac spei propè collapsæ in Eccle-
siam Universam, animorum etiam & spirituum in oppressam
ac colla jugo jam penè aptantem Europam. Tu unus,
REGUM MAXIME, inter omnes Christianæ Reipublicæ
Principes relictus in perfugium eras, qui res ubique
laceras ac perditas instaurares, inauditâ antè Expeditione, quæ
Regnorum Tuorum una salus, perindè atque Orbis stupor,
Regum consternatio, Hostium terror, Reformatæ rei titulus,

2 AD GUILIELMUM III.

Batavæ Reip. securitas, ac venturæ Ætatis admiratio, immi-
nuendâ quanquàm Annalium apud hanc fide atque authori-
tate. Te maximum Cœli munus, tot pulsati laborantium
votis ac suspiriis, omnes pari concentu vocum & animorum
deprædicant, cujus Fronti æternis characteribus impressum
est. *A Deo omne*; dùm aliorum jactatis facinoribus rectè sub-
londum, *Hic Deus nihil fecit*. Tu verè ac reipsa, quod alii
nomine, A DEO DATUS, isti sæpè in flagellum ac perniciem,
tu in reparationem ac solatium Humanæ societatis, illi pro-
terendæ Ecclesiæ, tu erigendæ restituendæque, ac tantum
futurus omnium saluti, quantum alii sunt omnibus exitio.
Tu contumulatæ suis ruinis Germaniæ, supplicis in auxilia
Galliæ afflictæ violatæque, profanatæ Templorum, Pulvina-
rium, Sepulchrorum, Divini omnis atque Humani juris san-
ctitatis, ac constupratæ totiens Fœderum religionis, exoratus
es Terris aut Opitulator, aut Ultor, sed & malorum nobis
incumbantium, ac paratæ Orbi servitutis, Depulsor & Aver-
tuncus. Utque olim Corn. Scipio, lectis plurimorum sti-
pendiorum militibus, eo consilio in Africam trajecit, ut
suetum aliena invadere ac vastare Annibalem, jamque Urbi
ipsi imminentem, ad propria tuenda compelleret, & ad peten-
dam aliquando sibi suisque Carthaginensibus pacem, quam
dare se potuisse Romanis crediderat; alterum Tu nobis Scipi-
onem repræsentas, hoc disparem, quod ille ingratham Romam
expertus sit. Pari sanè consilio, trajecto in Britanniam milite,
invenisti viam, quin invenère Fata, quâ communem totius
Europæ hostem revocasti intrâ Regni sui fines, quibus Te
nulla deinceps aut vis armorum, aut sparsorum libellorum
infamia, vel auri, quo retundere hostile ferrum Gallus consue-
verat, reverentia prohibebit.

Talis tantusque quum ostendendus Terris esses, INVI-
CTISSIME GUILIELME, magis formidandus hodierno
quoad religionem ac fidem Annibali, etiam quiescens à pugnâ,
quàm sunt alii fortiter pugnantes, edendus primò in lucem
eras non absque miraculo, in futuri augurium; siquidem
nec Alexandri Macedonis, nec Octavii Augusti, sed nec
Jacobi I. Proavi Tui, præfagiis ac portentis Cunæ caruerunt.
Ex Paternis nempe cineribus, atque odorato funere, prodire
debuiisti, qui futurus esses liberatæ Europæ Phoenix; qui
Britanniæ Tuæ nasciturus, Phœnicis adinltar, ex funeribus
quasi

A D L O C U T I O.

quasi suæ Libertatis ac Religionis ; imò utrique Germaniæ, ex tot Provinciarum Urbiumque fumantibus bustis. Verè Tu POSTUMUS Augustus, qualem Nummi expressere, tamquam Herculem Pacificum, omnium Amorem, ac qui Romanum Imperium in pristinam securitatem asserturus fuit. Atque ut Britannici Tui non CONQUÆSTOR, Provinciis Regni devastatis, aut Vexillo à Pontifice accepto, sed GUILIELMUS LIBERATOR existeres, mox Lege Regiæ positurus sceptro, oriri Te oportuit ex mixturâ utriusque sanguinis, Liberatorum potentissimæ Reipubl. & Regum amplissimi Imperii, juncturum rarâ societate Libertatem & Regnum. Hinc nihil nisi suprâ humanam sortem, humanasque vires observari toto vitæ Tuæ decursu debuit, totus ut MIRACULUM esses. Fuit istud fanè Infantia Tua, tot eluctatura Divinitus infidiarum morborumque discrimina: Fuit Pueritia, quâ *ἡλικία*, inter viriles curas & certamina, appellationem merebare, ut sapere fermè inceperis quum incepisti vivere, secus ac Themistocles, qui senio confectus indoluit quod *vivere tum desineret, quum sapere incepisset*: Fuit Tua quoque Adolescentia, non duodecimâ jam mense lascivions, non otio aut voluptatibus emollita, & cui Gymnasium, Stadium, decens Palæstra, ac Docta consuetudo unicè placuerunt, nunquam Floralia invereconda, turpes Scenæ, saltatrices Thesfalæ, aut prætextata verba, vel irritamenta libidinum: Fuit denique Juventus, tot duris exercita probataque, sed ab iis opes animumque ductura, immota cunctis casibus, & quæ Senum modò prudentiam atque authoritatem, modò Veteranorum militiæ peritiam ac fortitudinem, obscuraret. Omnis fanè indoles Tua, exurgens antè annos in ortus suos, ac Mens cum primis illa excelsa & sublimis, æqua semper rebus in arduis, major adversis quibuscunque aut periculis, portendebat antè primam lanuginem quam excelso ponendus esses loco, pari jam tum Animi Tui magnitudine futuræ Potentiæ atque Imperii magnitudini, quod olim in ultimos Eoi & Occidui Orbis fines, quâ Sol uterque illustrat, sese diffunderet.

In privatâ illâ sorte Tuâ si Divina omnia apparuerunt, ac nihil sine Numine, cujus nutu res humanæ temperantur; quid de Te statuendum seu admovendo ad Fœderatæ Belgicæ Gubernacula, properantibus Populorum votis, inter Potentum

4 AD GUILLIELMUM III.

tum odia, & Edictorum inimica; seu admoto jam Te ad eam Rempublicam quam à Senibus labefactatam Adolefcens Tu reftituifti, contra quam cenfuit apud Tullium Cato Major? Nihil unquam de Te humile aut promifcuum, nihil propè mortale, etiam illi prædicarunt per quos antè aut protrita aut contempta Jüventus Tua fuerat, & qui proclives magis in procacis linguæ maledicentiam, quam in præconia laudum. Patrum iſtis videbantur Mavortii illi ſpiritus, quos cum ſanguine in Te traduxiffent Pater, Avus, Proavusque, & quos pericula magis accendere atque inflammare, necdum adultâ robuſtis viribus ætate, conſpicarentur. Percellebantur multo magis ad authoritatem Tui regiminis, oris gravitatem, moderationem affectuum, conſiliorum ſagacitatem, majeſtatem ac facilitatem eloquii, curarum laborumque patientiam, ac pro firmandis pacis bellicę nervis & ſumptibus temperandis, ſollicitudinem, qui & domi calculos ponere didiſſes, & Aerarium in futurum inſtruere, procul infanâ perdendi, aut abliguriendi, vel etiam immodico luxu profundendi cupiditate, familiari iis qui in excelſo vitam agunt. Nimis quam ſunt vulgata iſta atque diſperſa communi ſamâ ac ſermone hominum, jamque ad ceteriora & noviffima me vocat oratio.

Et ab eo ordiendum eſt undè tantarum mutationum exordium; atque attentionis ad res Britannicas, hinc concepti doloris, mox acceſſuræ indignationis, tum expeditionis ſuſceptæ, ac delati tandem Tibi, nec appetiti Regni. Solaque providentis Eccleſiæ ſuæ Numinis virgula fuit, quæ MARIAM BRITANNICAM ſignavit Tibi tori Sociam, futuram & pietatis, virtutis, ſapientiæ, jurium, conſiliorum, ac Sceptrorum denique. Et Regiis illis quos petiſti Hymenæis, & quibus *Θιογάμια* rectius conſecrentur, quam olim Proſerpinae ſacris, ſuam debet felicitatem Britannia, ſuum præſidium Belgica, ſuam ſalutem Eccleſia, ſpes omnes deinceps ſuas Chriſtianus Orbis. Hæc illa *Fæmina* eſt, ferè qualem rariffimus Othonis nummus repræſentat, quæ *Columnæ innixa*, Sponſo Tibi, in fulcrum & columnen accepto, *dextrâ Coronam* tenuit, hæreditatis intemerando jure: Quam dum in Exteraneum transferre, ſimulque prodere Religionem, Libertatem, & quicquid Sacrum eſt atque inviolatum, molita eſt ea peſtis Societatis quæ ipſi humanitati bellum indixit, ac Naturam ipſam, Pater-
namque

namque pietatem, sed & fidem, honorem, pudoremque, cedere suis commodis assuefecit, Tuum fuit, GUILIELME AUGUSTE, conservare incomparabili Tuâ prudentiâ ac fortitudine Regni Anglicani ac Regiæ Successionis jura, & illis adferere, quibus ea vendicabant Sanguis, Leges, Sacra desideria precesque, & salus ipsa tot Populorum. Fecisti iis primò cogitatis quæ, ut magnarum rerum eventus solent, incerta oppidò & fallacia videbantur, mille casibus subjecta, ac paradoxa universis, præterquàm Tibi uni, videre assueto divinâ mentis perspicaciâ, ad quæ omnes caligant. Promovisti tantum opus eâ consiliorum providentiâ, & eâ secretorum fide, dùm etiam parietes hujus arcani conscii timerentur, ut hoc ipso illius Imaginem reddideris, quem totum Oculum, totum Auritum, sed Ore obligato obsignatoque, expressit Antiquitas. Ac perfecisti ad extremum eâ ausi fiduciâ, eâ virium ac copiarum in speciem exiguitate, circumseptus magis publici amoris ac communium votorum, quàm præsidarii militis satellitio, eo denique susceptæ profectionis successu, & una hac omnium voce, per omnes oras propagandâ, personarint Tribunalia, Acroateria, Tempia, Adita, Fora, Domus etiam perfidæ & inimicæ, *A Domino factum est istud!* familiari Majoribus Tuis Symbolo. Ac stupent hærentque attonitæ mentes, solâ recordatione eorum in quæ obtulisti Te salutemque Tuam discriminum, inter Anni deficientis ac procellosi Oceani, inter Syrtium, litorum, insidiarum, totiusque hostilis apparatus, metuenda pericula; vallato JACOBO marium, vadorum, portuum, navalium legionum, propugnaculorum, Regnorumque, mediâ in Regiâ suâ, sepimento, adspiciente simul frementeque minaci LUDOVICO: Sed perculso utroque rei magnitudine, expavescenteque non ad terrorem, sed ad amorem Nominis Tui, undè animorum membrorumque quidam veluti rigor, qui summos & imos, Reges, Duces, Milites, Navarchos, lociosque pervasit. Accessit in omen iratis Regibus, in augurium Britannis Tuis, quod pari Coeli beneficio, quo olim Julii, Pompeii, Caroli, maximi Imperatores, Natalem sibi mensem ac diem fortunatis successibus auspicatissimum habuere, Te in Britannicum litus Prætoria navis eodem Mense, eodemque Die, quo Te Regia Mater in Belgii hujus sinum, exposuit. Quæ dùm attentiore animo reputamus, in his posthac ne profanæ quidem turbæ

—dubium est habitasse Deum,—
aut æternam illam Mentem, per omnes artus tantæ molis
infusam, agitasse temperasseque supremo nutu singula, quæ
nulli mortalium, ne Orbis Dominis, vertisse licuit. Cætera
quis nescit, quæ excensionem illam Tuam, perpetuâ mira-
bilium eventuum successione, exceperunt, tot aut Sermonibus
celebrata, aut exornata Carminibus, aut Memorii in ulti-
mos Terrarum fines transmissa, quæ

—nec ventura filebunt

Lustra, nec ignotâ rapiet sub nube vetustas,
vix admissura tamen, quemadmodum nec Ægypti aut
Palæstinæ prodigia, vetustas Græca Romanave. Ac ipsa
REGIA MAJESTAS TUA illi uni tantum opus attribuit,
qui fuit Tibi

Principium, Rector, Dux, Semita, Terminus idem,
qui solus & maria moderatur, & ventis imperat, & fluctus
decumanos compescit, & superbos vertices dejicit, & terreces
animos coërcet, & consilia quò vult inclinat, voluntates pro-
nutu inflectit, movet omnia supercilio suo, ipsaque sceptrâ
suo jure transfert à Saulis ad Davides, prout Reges in ipsos
Dei summi imperium est.

Fuere alii, REX MAGNANIME, qui Imperia pri-
mi condiderunt, qui condita fundataque diuturnitate cura-
rum laborumque aut legibus firmarunt, aut armis tutati sunt,
aut finibus ampliarunt, aut munimentis circumdederunt, aut
obstrinxerunt Sacrorum religione, aut bonis artibus ab exilio
revocatis exornarunt, qui denique piâ sollicitudine & sagaci
providentiâ, clauso Quirini Jano, retulerunt agris uber-
tatem, urbibus abundantiam, honorem literis, mercaturæ
quæstum ac censum. Sed qui Mensis unius intervallo, supe-
randis eo ipso tot Maribus, non vi copiarum, solo prudentiâ
& magnanimitatis auxilio, accedente gratiâ & veneratione
sui Nominis, sustinuerint in alieno Regno tantas exercituum
classumque moles, concusserint quasi solo nutu ac dissiparint,
nullo prælio, nullis stragibus, nullo stratagematum, aut
proditionum, vel potentioris ictu fulmineo auri præsidio, ac
Tria amplissima Regna gratitudinis & pietatis vinculo æter-
num sibi suæque Posteritati devinxerint, & cum his tot
utroque Orbe Principatus, Insulas, Propugnacula, fuere post
memoriam hominum nulli, præter GUILIELMUM

AURIACUM. Et quod multo maximum est, nihil fuisse à Te susceptum regni causâ, nullâ emendæ famæ, aut alienæ dominationis cupiditate; non te incitasse æstuantis cupiditatis animi, angusto quasi tot Ditionum Tuarum limite, vehementiorem impetum, non spes avaras plerumque deludendas, & quas ambusti Phaëtonis exemplum merito terreat, testes sunt quotquot interioris apud Te admissionis fuerunt, testis ipse egomet quum pro solitâ Clementiâ intra Secretum Tuum proximæ expeditionis meminisses, ac vota precesque nostras, id est, propitium piis justisque coeptis Tuis Numen, in auxilium advocares. Sed neque ut regnares jus ullum violasti, qui jura redditurus eras Regno, ac Regem juribus. Nec magis censei potes fecisse Tibi gradum ad sublime adeo solium, Rege priore deturbato, quam putandus es author consiliorum ac perfidiæ, quæ illum tandem deturbarunt, aut proculcationis juratarum Legum, quæ parem J A C O B O *Secundo* fortem portendebant, qualem exiituri Regium animum Johanni *sine Terrâ*, Guilielmo, Eduardo, Richardo, infortunato cognomine *Secundis*, prout

Semper sub Sextis perdita Roma fuit.
 Quin Rege utroque postremo sententiâ decretoriâ, in Regni Comitibus latâ, exauthorando, quia in propriam Sobolem in Proceres primi Ordinis, in Supremum Regni Senatum, in Comitatum jura, in Libertatem Suffragiorum, in firmata ipso Regiæ Uctionis die Legum ac Privilegiorum Sacramenta malè perfidis. An fortassis insidiæ per Te aut Tuos Regi illi structæ qui, quod potuit nemo, violenta imperia continere diutius non valebat? An peractos occultè cuniculos, vel onustis auro asellis, vel accensâ præmiis rebellionem, vel feralibus passim pegmatis erectis, aut admotis jugulo gladiis, aut publicis opibus attritis, vel in gazas Tuas illatis, aut denique immissis Bimachis, qui vim conscientis adferrent, incendia facerent, depopulationibus, cædibus, rapinis, stupris, ac miserando luctu omnia miscerent, viam fecisti Tibi ad Imperii majestatem? sed fortassis Religionis mantelum Tibi pro operimento fuit, quo obtegere Incendiarii hodierni tyrannidem, atque invasionem alienorum Principatum, & paratam Europæ omni terribilissimam servitutem, consueverunt? CHRISTIANISSIMI forsan, affectatum aliquod cognomentum, subservitum Tux æmulationi
 atque

atque ambitioni fuit? Quâ tollentes se plusquam Arsacio
 fastu Reges alii, Divis nefariè componendi, omnia etiam
 sanctissima metiuntur: Quomodo profligatissimæ etiam
 vitæ, atque immodicæ superstitionis Principes abusos fuisse
 legimus cognominum sanctitate: quâ Commodus PIETATIS
 AUTOR, Heliogabalus DEI SACERDOS, Gallienus
 CONSERVATOR PIETATIS, Valerianus ab ipso Dionysio
 Alexandrino, vel Theodoricus Arianus à Romanâ Synodo,
 RELIGIOSISSIMI PISSIMIQUE Principes, audiverunt.
 Ea autem GUILLIELME REX, fuit ab ipsis
 incunabilis, & in ipsis primæ ætatis tyrociniis, tua in DEUM
 OPT. MAX. & in avita SACRA veneratio, nullis conta-
 minata cupiditatibus, nullâ licentiâ scelerum profanata, qui-
 bus succiduntur nervi veræ pietatis, ut de superstitiôsâ aliquâ
 Tuâ, aut simulatâ Religione, vel in subsidium futuræ domi-
 nationis vertendâ, ne ipsa furentis invidiæ, aut sceleratæ
 linguæ improbitas, cujus Tu fines Heroicis virtutibus reli-
 quisti ac superasti pridem, suspicata vel minimum fuerit, ac ne-
 que sibi ipsi persuaferit nupera præstigiatoris Galli venalisque
 Pagina, perductura in sententiam suam neminem, nisi qui
 in Siamensium fortè regiâ, divisi Obbe toto, versantur.
 Tibi, AUGUSTISSIME REGUM, *Sol & Clypeus* in
 omnibus inceptis Tuis ille fuit, cui uni ut primæ lucis
 usuram, sic conservationis stupendæ beneficium, ac cætera
 omnia quæ in Te prodigia suspicimus, debere Te gratus ac
 supplex prosteris: Dum immemores alii mortalis ævi, & in
 Arbitrium illum vitæ, potentiæque omnis ac felicitatis sacri-
 legi, Reges suos tanquam Orbis soles adorant, ac Terris reli-
 quis ostentant, tanquam parantes iis tonitrua, fulgura, &
 incendia; Qui tamen *Solès*, ubi Aquilas aut Pegasus immi-
 nere sibi conspiciunt, *Caput* condunt *intrâ Crescentem Lunam*,
 qualiter ferè in Nummo Sveræ Augustæ observare memini
 & ab istâ auxilium præsidiumque mutantur, certo instantis
 Deliqui præfagio. Non tu is Fulgurator Prædatorque Jupi-
 ter, Everfor ac Destructor Imperiorum; sed Salvator, sed
 Eleutherus, sed Serenus, ac Feretrius idem, qui salutem ac
 pacem Populis adferres, qui simulac affulsisti Britannis Tuis,
 non prohibitoris profecto aditu litorum, sed ruituris in
 amplexus ac penè in culeum Tutelaris Genii, atra continuo
 nubila, minacesque turbines vultus tui Serenitate, ac solo
 aspectu

adspectu diffasti. Fuit is verè **GUILLIELMI** adventus, quem **MARIÆ** alter excepit, **ADVENTUS FELICISSIMUS**, Anglicani **POP. GAUDIUM**, **SECVLI GLORIA**, exoptatissimaque **TEMPORUM REPARATIO**, ut præ cæteris in Constantini Magni Nomismatibus pia Antiquitas expressit. Venisti redditurus Supremo Senatui auctoritatem, Legibus vigorem, Libertatem Populis, Judiciis Sanctitatem, Successioni jura sua, ac **FIDEI** isti securitatem cujus Te **DEFENSOREM** non Britannicus modò, sed Protestans Orbis universus veneratur. Intendisti hoc unum, collapsa erigere, destructa instaurare, divulsa conjungere, nutantia firmare, quin non tam de Religione quàm de mediis Ritibus dissidentes, atque æternis in speciem odiis distractos, æterno foedere ac nexu confociare. Nec jam abjectæ assentantium turbæ hæ voces, ac composito vultu ad falsas, fictasque acclamationes festinantis, sed grata hæc sunt Utriusque Domus, totiusque Populi Britannici Charisteria, illorum etiam qui ferre Imperia quidem, non amare didicerunt.

Hinc ne species quidem in Te ulla usurpatæ dominationis, non subjectâ profectò à Te Britannia, sed ultrò semet subiciente illi Imperatori, quem non gravis admisit, sed suus ut esset, supplex exoravit, futura præda Tyrannidi, nisi præmium **GUILLIELMO** fuisset. Nec erat quod Regnum invaderes, qui regnabas pridem in omnium animis, votis, desideriis, proclamandus intrà tertium ab Adventu mensem, pari Concordiâ Procerum & Civium; **JACOBO** ipso non obsequenti fortunæ Tuæ cessuro, sed causæ meliori, non impetito à Te sed defenso, nec fugato sed fugiente, propriæ conscientiae stimulis etiam alas volucres addituris. Ac vix folium ascendisti, quum ecce visus magis es accipere leges quàm dare, nec novas figere sed pristinas stabilire, referendo nobis in mentem Adriani Augusti illa ad Servianum Cos. de Ægypto à se nuper aditâ; *Huic ego cuncta concessi, vetera privilegia reddidi, & nova sic addidi, ut præsentì gratias agerent.* Imò verò nihil Tu sine Prytanibus, Summo Regni Senatu, quos non tam Consiliorum participes quàm arbitros, verèque socios Potestatis habes, sacro Regnis Tuis nec satis admirando Principatûs temperamento. Quo fit ut cotidie à summis & imis in laudes gratesque certatim eatur, & festis clamoribus cœlum undequaque perstrepat, percussis Tuorum

rem subditorum mentibus tam insperatâ felicitate, & insolito
nec prius intellecto DEI munere. Et siue GUILLIELMUM
animo contemplantur, Restitutorem tantæ Libertatis, Reli-
gionis vindicem, Pacis custodem, formidinem Hostium,
arbitrum Europæ, atque impotenter Regnantum deinceps
frenum; siue in MARIAM convertunt oculos, delicias
humani generis, Gratiarum omnium ac virtutum sedem,
ultimum Naturæ conatum, siue denique indivisam in duobus
Capitibus mentem atque individuum Regni Societatem, verè
CONCORDIAM AUGUSTORUM, recente cogitatione
complectuntur, subsiliunt animi, exultantque præcordia, ac
pariter sese

— diffundit in omnia Regni
Membra vigor, vivusque color redit Urbibus ægris.

Et felicem hanc reparationem rerum omnium, dum compo-
nunt cum priorum temporum calamitate, depulsamque sen-
tiunt atque eliminatam æternâ Edictorum lege eam pestem
Cucullatæ Gentis, ac pullatæ Societatis, cui dicatur posthac,
Socii quid hic rerum agitis? dum intelligunt fractam esse
virgam Dominatorum, excussum suis cervicibus jugum, tyran-
nidem oppressam, amotas culpâs, onera levata, auri vim
ablatam, sed & præstigiârum, quibus ut fascino quodam
Reges Populique dementantur, atque ita GUILLIELMO
REGE solutas esse perpetuâ formidine Terras, vix habent
suis oculis fidem, caligantibus iis etiam nunc ex priori atque
obscurissimâ nocte, & in novum quendam Orbem, ignotum
majoribus, delatos sese arbitrantur.

O fortunatum illum diem, cujus memoriam nulla Ætas
obliterabit, nulli Annales conticescent, cujus gloriam, lætitiâ-
que nulla unquàm alia adæquabit, quo nec hominum favor,
nec vera magnitudo reddet celebratiorem alium, & in quo

Simul ista Mundi Conditor posuit Deus,
infociabili hætenus nexu, amorem atque regnum, dum odium
necessariâ veluti habitudine regno Tragicus conjunxerat!
Diem! quem maximum hujus Reipubl. pignus esse censeo,
non delendæ amplius sed juvandæ tutandæque Carthaginis, &
quo in illibatum æternumque scædus communi Sacrorum,
commerciorum, copiarum, signorumque vinculo, quia colli-
gante GUILLIELMO, coalescent Britannia, Belgicaque,
quas

quas occultis antè aculeis stimulare æmulatio quædam videbatur, averfis nonnunquam ac concussis Classibus, imò horrendis inter se fragoribus collidendis. Diem! luctuosum illis Regibus, conversâ rerum scenâ, qui luctum Orbi toti apparabant, & tremendum iis ad quorum nomen contremiscere, tot furoris exemplis, Provinciæ, Urbes, Agri, Populique didicerunt. Diem verè decretorium! quo Deus velut è machinâ ad interdictum illos vocat, qui quod Dei unius Imperium est mortalibus sibi, in Animos, & in ipsam Æternitatem vendicabant. Et quorum jam rationibus inferentur, tot inductæ Terris vastitates, tot Sacrariis admotæ faces, tot Aræ cædibus cruentatæ, tot Tempia solo æquata, tot prædæ Sacrilegiis actæ, tot Fana in spolium ac rapinam veria, tot Sacerdotes exuti, Virgines stupratæ, Viduatæ Coniuges, Senes mutilati, Infantes aut illisi faxis, aut ignibus traditi, & seu colles luxuriantes, seu flavescentes campi, sylvestri & incultâ deformique imagine horrentes; Et ista quidem solâ libidine dominantum, jus dantium sceleri; nam

—Sclera ipsa nefasque

Hac mercede placent!—

Sed quantam posthac felicitatem, ac pleno cornu rerum omnium abundantiam & copiam, quantam animis ac conscientiis tranquillitatem, nec fallaci augurio, vel ancipiti fide, Regna sibi Tua GULIELMO REGE polliceantur! Vix natum eum Principem crediderunt Civilis prudentiæ Magistri, quantumvis amabiliorem Tito, justiore Augusto, vel Trajano meliorem, atque ab iis omnibus instructu n, quæ Principem absolvunt, quem placere omnibus laudarique contigerit. Sed ibit in Secula fuisse fortunatæ Genti eum aliquando Regem, in quo uno concentus omnium laudum, omnisque virtutis, in quo uno conjuncta quæ in aliis separata, summa quæ in aliis mediocria, propria & singularia quæ nullâ hominum memoriâ de Imperante hætenus tradita literis; & de quo tacere præstet, quàm dicere quæ de Principe quoque alio dici potuisse videantur.

Nolumus verecundiam Tuam vincere, qui nostram modò vincimus dicendi cupiditatem, securi licet contrâ adulationis invidiam, ut quem minimè omnium Principum hoc ludi schemate, his falli blanditiis posse, novit Orbis ac suspicit. Et quemadmodum uni quondam Apelli, aut uni Phydæ, suam

suam Alexander Macedo fingendam permisit imaginem, sic
 Artis magistri Effigiem Tuam, GLORIOSISIME REGUM,
 id est, verissimam Principis, delineandam ac perficiendam
 relinquimus, æternum sanctissimumque regnaturis exemplar,
 & quam isti dissimile, quod Nicol. Machiavellus in Cæsare
 Borgia imitandum *Principi* sistit, perfidiæ scilicet atque
 impietatis compendio, & qui dum aut *Cæsar* aut *nihil* esse
 voluit, utrumque tandem fuit. Intendent in id omnes ner-
 vos ingenii & eloquentiæ nostrorum Suadæ temporum, ac
 defudabunt in eo lecti Orbe toto Literario scriptores, ut quâ
 decet majestate ac fide, majori certè hacce quam de Ajace
 Homerus, de Alexandro Arianus, de Trajano Plinius, trans-
 mittant ad omnem posteritatem, nec adscitiis ullis vel pere-
 grinis laudibus, quæ de GUILIELMO BRITANNICO,
 FRANCICO, HYBERNICO, GERMANICO, BELGICO,
 dici aut scribi oportere summo jure crediderint. Exornabunt
 isti condignâ oratione, præter ea & majora quæ publica
 expectatio concepit, primam illam Tuam, in ipso Regni aditu,
 Christianamque curam, ut nihil in Religione intutum, nihil
 in Ecclesiâ impacatum superesset, sollicitatis peramanter forti-
 terque in concentum animorum, laudum precumque quas
 funderent Immortali Deo, quorum concinerent sine offèn-
 sione ullâ Doctrina, Fides, Sacramenta, Cultus, Leges, Causa
 omnium una, una Societas, unum Regimen, unus Senatus,
 Rex unus, unum denique inviolatâ religione Numen. Effe-
 rent isti, ut conveniet, Animum illum Tuum, ubi semel
 crexit causæ fiducia, periculis etiam summis invictum, tam
 potentem affectuum quàm imperii, ubique sui similem in
 Aulâ, in Senatu, in Castris, domi forisque, seu jam incunda
 consilia seu exequenda fuerint, seu regere alios seu Temet,
 difficillimo omnium imperio, conspiciaris. Laborabunt
 circa divinam illam Mentis aciem, quæ sola ut Hominem, sic
 Principem ostendit, quâ Tu sic penetras in rerum eventus, ac
 recessus animorum, ut pectora Tibi sint quasi fenestrata; ut
 primo adspectu hominem totum, larvâ detractâ, perspicias;
 ut non tam responsa interrogando desideres, quàm respon-
 denda cogitatione prævertas; ac futura ipsa veluti præsentia,
 occulta velut in apertam lucem protracta, contempleris;
 eaque agites vastissimâ mente quorum vel eventum, vel
 fructum, sola retrò tempora patefacient. Prædicabunt suam
 quandam

quandam arcem in Te struxisse Prudentiam, quæ propria Imperantium virtus est, & quâ unâ Hostibus tuis longè Te magis formidabilem, quàm vel Arcium munitiones, vel exercituum præfidiis effecisti: Adeò quidem ut consiliorum participes ea doceas quæ antè nec Politicus Stagirita, nec prudens Annalium Scriptor, nec Hetruscus ille Magister cui vix larva honestatis placuit; ità etiam aliorum consilia ac cogitata observes, ut nemo Tua. Commendabunt flexanimum illam suadam quâ mirabili jam arte, sed quam unus calles, mancipas Tibi, & in assensum vel in amorem cogis, quicquid modò oculos Tuos subit. Concelebrabunt moderationem illam Tuam, quâ impetu nunquam, iudicio semper & electione duceris, atque ad exactissimam rationis justitiæque trutinam maxima & minima, tenacissimâ juris & æqui voluntate, pensitas. Denique, nec enim ad dicendum REGIÆ TUÆ MAJESTATI Panegyricum Festâ hac Luce invitamur, memorabunt haud alium antè Principem pari Tecum vigiliarum molestiâ, aut assiduitate laborum, incubuisse administrandis rebus: Ut non tam Princeps quàm publicus Minister, sustineas rei publicæ pondus, curarumque molem; & si quæ Tibi sunt ludorum aut venationum otia, aliorum hæcce negotiis præponderent: Ut gustes adeò non blanda & amœna Principatûs, inter lenocinia cupiditatum, sed ingrata & aspera; hinc nec ignavos desidesque Silanos, *pecudes aureas* falsè dicebat Cajus, omninò feras, minùs in pocula aut in voluptates demersas sæpè mentes.

Sed ad vota nunc tandem vocor, publica illa, atque ardentissimis studiis nuncupanda, pro Regalis Solii Tui æternitate, atque auspiciatissimi Imperii, à quo surgit hodiè nova Periodus Britannica, & ÆRA GUILIELMINA, scribendis Annalibus signanda. Pari nunc omnes, cujuscunque tandem sumus Ordinis, animorum contentione, & supplicationum ritu, Pulvinaribus advolvimur, ut Tibi quidem, volucris in futurum votis, nec destituendâ unquam spe, impetremus iteranda TRICENNARIA, simulque gloriam Regiminis, ampliacionem Imperii, & consiliorum quæ solus catenatâ serie animo complexuses, fortunatum optatumque successum; MARIÆ verò AUGUSTÆ, nunc Matri Senatûs, alteram hanc felicitatem, ut sit eadem Patriæ fecunda Mater, simul ipsa

14 AD GUILIELMUM, &c.

Magnorum Soboles Regum, parituraque Reges.

Non ingemiscat Orbis Britannicus ad novum Imperii Tui successorem, nisi exacto seculo, quando exactas omnes Ætates Immortalibus meritis transcendis; nec occasus Tuus, nisi in longum ævi & ingravescentem Senectam protractus, exeat unquam in certam Regnis Tuis calamitatem; indignato verissimè Romanæ Historiæ Principe, solitum *repentè mutare omnia, Imperatorem mutatum.* Non quidem Æterni cognomentum, præterquàm celebratione ac commemoratione hominum, sed tamen illud *Longævi* Principis, supergressuri mortalis ævi terminos, GUILIELMO MAGNANIMO, FELICI, VICTORIOSO, sed & MARIÆ PIÆ, CLEMENTI, BENEFICÆ, solenni prece exposcimus atque auguramur universi. Nec aliundè certissimum augurium est, quàm ab excubiis & custodiis Æterni illius mundi Oculi, quo clàm nulla doli, nulla insidiarum esse machinatio potest: Addam ego, à vitæ omnis Tux instituto, nesciæ aut fœdarum libidinum, aut mollis atque enervantis otii, aut intemperantis victûs, quibus effœctum & ingravescens corpus acceleratæ tradi senectuti consuevit. Imò usque adeò es Socraticæ temperantiæ, horresque ventres, & gurgites, & spongas,

quibus in solo vivendi causa palato est,

ut si quam continentia in omni victu, si quam affectuum vitæque modus, si quam hilaris virtus, procul rugosæ & contractæ frontis severitate, si quam denique prudens exercitatio, liberales inter jocos, curarum subindè levamenta, & quoddam vitæ hujus nostræ fomentum, effecere longævitatē, hanc nos sperare de Te jubeas, qui huic uni potuisti culpæ succumbere, intemperantiæ curarum, animique contentionum. Quibus omninò fiet, ut Ætas Tua, nullis mortalis ævi claustris, quibus nostra solet, coërcita, nec morbis conflictetur, nec laboribus frangatur, nec senio languescat, solâ tandem diuturnitate extinguatur, suavi resolutione adiuta Æternitatem, & quod vovemus singuli, revictura in GUILIELMI BRITANNICI Nepotibus.

FINIS.